

U G O V O R

o pružanju ugostiteljskih usluga- smještaj djece i osoblja na ljetovanju u objektu „S.R.C.A.“

Zaključen između:

1. „Kantonalna javna ustanova Dom za djecu bez roditeljskog staranja“, sa sjedištem u Sarajevu, ulica Bjelave 52, koju zastupa direktor Saudin Đurđević (u daljem tekstu „Korisnik usluga“)

i

2. „S.R.C.A“ d.o.o. Olovo, sa sjedištem u Olovu, Ajdinovići bb, ID broj: 4201623500004, koju zastupa direktor Sanela Omerčević (u daljem tekstu „Davalac usluga“)

Član 1. (Predmet ugovora)

Predmet ovog Ugovora je pružanje usluga smještaja i ishrane za djecu predškolskog uzrasta i osoblja u pratnji sa tretmanom „puni pansion“ u skladu sa Ponudom Davaoca usluga broj: 969/17 od 17.05.2017. godine koja je sastavni dio ovog Ugovora.

Član 2.

Davalac usluga se obavezuje da će za potrebe Korisnika usluga obezbijediti smještaj i ishranu za djecu predškolskog uzrasta i osoblje u pratnji u periodu od 19.06. – 23.06.2017. godine u objektu „S.R.C.A“ u skladu sa potrebama Korisnika usluga, a prema uslovima datim u ponudi Davaoca usluga koja je sastavni dio Ugovora.

Ugovorne strane su saglasne da termin boravka djece i osoblja može biti promijenjen u slučaju da Korisnik ili Davalac usluga iz objektivnih i razumnih razloga nisu u mogućnosti organizirati boravak djece i osoblja u objektu iz člana 2 Ugovora, kao npr. bolest djece, kvarovi u objektu i slično.

U slučaju nastanka situacije iz prethodnog člana, Ugovorne strane će u najkraćem roku, koji ne može biti kraći od 10(deset) kalendarskih dana od dostavljanja obavijesti drugoj ugovornoj strani, sporazumno dogovoriti drugi termin boravka.

Član 3. (Cijena i način plaćanja)

Vrijednost Ugovora određena je Ponudom Davaoca usluga i iznosi **5.970,00 KM sa PDV-om.**

Ugovorne strane su saglasne da cijena ostaje nepromijenjena za vrijeme trajanja ugovora, osim u slučaju da zbog opravdanih razloga (npr. bolest djeteta i slična situacija koja se ne može predvidjeti) dođe do smanjenja broja djece ili osoblja u pratnji koje će boraviti u ugostiteljskom objektu, kada će se srazmjerno broju dana i broju osoblja konačna cijena vrijednosti ugovora umanjiti.

Korisnik usluga se obavezuje da će obavezu plaćanja za pruženu uslugu izvršiti po pruženoj usluzi, nakon dostavljanja uredne fakture Davaoca usluga, prema pravilima trezorskog sistema plaćanja Ministarstva finansija Kantona Sarajevo, na račun Davaoca usluga naznačen na fakturi.

Član 4.
(Prava i obaveze)

Davalac usluga se obavezuje da za vrijeme trajanja ugovora obezbijedi smještaj, ishranu po unaprijed dogovorenom meniju, pristup kuhinji za potrebe pripremanja posebnih obroka za djecu sa specifičnim režimom ishrane, adekvatne higijenske uslove neophodne za boravak 35 djece predškolskog uzrasta i 12 osoba u pratnji u periodu iz člana 2. Ugovora.

Član 5.

Ugovorne strane su saglasne da kvalitet ugovorene ishrane odgovara propisanim zdravstvenim i higijenskim standardima.

Član 6.

Davalac usluga garantuje da objekat ispunjava sve zakonom propisane higijensko – sanitarne i sigurnosne uslove.

Član 7.

Davalac usluga garantuje da objekat zadovoljava sve sigurnosne standarde i obezbjeđuje 24h prisustvo fizičke zaštite za djecu i osoblje u pratnji.

Korisnik usluga nadoknađuje eventualnu štetu nastalu usljed krajnje nepažnje djece i osoblja u pratnji

Član 8.
(Završne odredbe)

Ugovorne strane su saglasne da će sve eventualne sporove nastale po ovom Ugovoru pokušati riješiti sporazumno, a ukoliko to nije moguće ugovara se nadležnost Općinskog suda u Sarajevu.


Član 9.

Ugovor je sačinjen u dva (2) istovjetna primjerka, od kojih svaka strana zadržava po jedan (1) primjerak.

Korisnik usluga

Broj:

Datum:



Davalac usluga

Broj:

Datum:

